

14 MAR 1998

MARINA MAHATHIR BERUCAP DI SIDNEY

MELBOURNE, 14 Mac (Bernama) -- Presiden Majlis Aids Malaysia Datin Paduka Marina Mahathir akan berucap di Forum Pemimpin-pemimpin Muda Asia 1998 di Sydney pada Rabu ini.

Forum tiga hari itu yang dianjurkan oleh Institut Asia-Australia di Universiti New South Wales akan disertai oleh pemimpin-pemimpin muda dari beberapa negara Asia dan Australia.

From yang bermula esok itu akan dirasmikan oleh Menteri Luar Australia Alexander Downer dan ucapan dasar akan disampaikan oleh Lachlan Murdoch, anak kepada tokoh industri media antarabangsa Rupert Murdoch.

Marina dan satu panel penceramah akan memberikan pandangan mereka mengenai "Pengajaran pada 1997 dan bagaimana pemimpin muda boleh menyumbangkan bagi pengurusan yang bijak dan kreatif bagi cabaran masa depan".

Antara rakyat Malaysia yang akan menghadiri forum itu ialah Halimah Mohamed Sidique, anggota Exco kerajaan negeri Johor dan Farish Ahmad Noor dari Universiti Malaya. -- BERNAMA

NDC RM PR